

Neka se stide oni koji u nedjelju ostanu kod kuće

U nedjelju, "svi građani" Bosne i Hercegovine će odlučiti ko će preuzeti vlast, a "ne samo moćni, ne samo nekolicina privilegovanih", napisao je visoki predstavnik i specijalni predstavnik Evropske unije Christian Schwarz-Schilling, u svojoj sedmičnoj novinskoj kolumni.

Visoki predstavnik/specijalni predstavnik EU upozorio je da na prošlim općim izborima više od milion građana koji imaju pravo glasa nisu realizovali to pravo. On je naglasio kako bi uzrok toga mogla biti zastarjela predodžba da je "istorija priča o 'Velikim ljudima'" i da "važne odluke donosi nekolicina privilegovanih".

Ovakav pogled na historiju i politiku nije u skladu sa modernom demokratijom, napisao je gđin Schwarz-Schilling u tekstu objavljenom u *Dnevnom avazu, Nezavisnim novinama* i *Večernjem listu*.

"Cjelokupna drama naše zajedničke prošlosti, priča o našim civilizacijama, koja se odvija pred nama, se ne može naučiti iz života malog broja moćnih ljudi. Ona je u životima miliona ljudi i žena – naših očeva i majki i njihovih očeva i majki," napisao je visoki predstavnik/specijalni predstavnik EU.

"Dostignuća mira uvijek su dostignuća ljudi – industrija, trgovina, prosperitet, njega za bolesne i stare, sve veći standardi obrazovanja. To je djelo miliona ljudi, a ne djelo nekolicine onih koji odlučuju."

Još jedan razlog zbog koga građani ne glasaju je zato što misle "sve su stranke iste", piše visoki predstavnik/specijalni predstavnik EU. "Ali one su iste samo ako im ljudi dopuste da budu iste. Ako ljudi glasaju, ako ljudi izraze svoju suverenu volju, onda će stranke i njihovi

predstavnici imati obavezu da ih slušaju i da im odgovore.”

Gospodin Schwarz-Schilling je apelovao na sve građane da “izađu i uzmu vlast u svoje ruke” tako što će glasati, te je zaključio slijedećim riječima: “Oni koji u nedjelju ostanu kod kuće neka se stide.”

Tekst kolumnе visokog predstavnika/specijalnog predstavnika EU dostupan je u cijelosti na: www.ohr.int